



## 白布纏身去做仙

差不多佇我七歲的時陣，看過一項誠無啥仝的代誌，佱我了後捌看過的喪事相比並起來，牢佇頭殼內的記持袂講得深，若無共伊寫落來，恐驚自按呢會袂記得，就真無彩矣。啊若現此時，社會四常猶咧做的，佱喪事有牽磕的過程，就無欲拚來閣會(huē)矣。

入木的進前，用白布先共人的身軀纏起來，包甲親像以早埃及的『木乃伊』按呢，就是這項佱人無仝爾。

阮兜對面一間開撩柴館的頭家人仔，伊有人家甲的大某，廿三歲過身的時陣，我無親目睷看著個辦喪事的頭佱尾，按怎變我無甲佱知。毋過，伊第二改閣娶入門的後岫，大體仔是 1959 年，我讀國民學校二年的彼當陣無去的。這改我有拄著，略略仔會記得遮 li-li-khok-khok 的工課。

欲入木的時，大厝早都攢便便厝踎邊仔聽候……。先共兩塊長椅條排予開開，拄好通架一塊兩尺半闊七尺長的門扇板，頂面鋪兩、三沿規領的白布，拚予平齊了後，共身軀搬鋪上去頂懸，綴手閣共白布摸予伸。頭一步著愛共身軀邊的白布量其約五寸闊裂一條，攏(láng)深到身軀邊止，逐條的長短，愛有夠雙片摸倚來拍結。

用人的肚臍做中心點，先拍頭一个的死結，繼落去對頭殼開始閣拍第二的死結。這攏著愛兩個人一對手，一人倚一片，共白布條準索仔按呢，出大力縛結、摸紮。結有賭的兩條索仔尾，摸直閣牽去縛中心點，予中心點變做有兩粒平大閣做伙的死結。繼落去換跔蹄仔的所在結第三結，仝款的步數摸來中央變做有三粒平大、做伙的死結……。照頂下的順序直透結來中央。落尾仔所有圍來中心點的結，積做一蕊圓圓、膨膨親像「繡球花」遐大的布結，毋過，個講是「蓮花」。

中央這粒大蓮花，牽一逝長長的小蓮花，牢佇白布頂面，嬭閣好拈提；兩個人四肢手同齊出力，共大蓮花掙浮，小蓮花佱纏白布的身軀原在伸直直，同齊撐懸的時，邊仔鬥跤手的人，即時共下跤的門扇板徙走，換揀大厝去承纏白布、結蓮花的身軀，寬寬仔厝入去內底。閣來的過程，應該佱平時辦喪事的人殮差無蓋濟，就無欲拚來餉矣。

作者：藍春瑞

### ☆詞彙學習☆

【袂講得】bē-kóng--tit：不得了

【會】huē：談論

【入木】jip-bók：入殮

【撩柴館】liâu-tshâ-kuán：鋸木店

【家甲】ke-kah：戶口、戶籍

【無去】bô--khi：人已去世的委婉語

【li-li-khok-khok】：瑣碎不重要的事情

【大厝】tuā-tshù：棺木的委婉語

【拈提】ni-thèh：拿起放下

【撐懸】thènn-kuân：撐高

【餉】liū：老話重提